

Elim deb, yurtim deb yonib yashash kerak!

Turkiston

1925-yildan chiqqan
boshlagan

«Kamolot» yoshlar ijtimoiy harakati
Markaziy Kengashining nashri

www.turkiston.uz

2015-yil 18-mart, chorshanba
№ 22 (15868)

“Kamolot”da mehmonda

БАҲОР КЕЛДИ СЕНИ СЎРОҚЛАБ...



“Kamolot” ёшлар
ижтимоий ҳаракати
ташқил этган жорий
йилдаги дастлабки онлайн
мулоқот Ўзбекистон халқ
шоири Зулфия
Исроилованинг ибратли
ҳаёти ва ижодида
бағишланди

Халқимизнинг суюкли фарзанди, жамоат арбоби ва забардаст ижодкор Зулфияхоним таваллудининг 100 йиллигини юртимиз ёшлари ҳаммадан ҳам кўра муносиб ва ўзига хос тарзда нишонлади десак, ажабланманг. “Kamolot”да меҳмонда” лойиҳаси доирасида ташқил этилган навбатдаги онлайн мулоқот ёш авлод вакиллариининг ардоқли шоирамизга кўрсатган юксак эҳтироми ифодаси бўлди. Икки йил олдин йўлга қўйилган «Kamolot»да меҳмон-

да» лойиҳаси интернет фойдаланувчилари томонидан катта қизиқиш билан кутиб олинганини ҳамма яхши эслайди. Долзарб ижтимоий мавзулардаги мулоқотларнинг ноодатий шакли, айниқса, ёшларга манзур бўлганини алоҳида таъкидлаш жоиз. Айнан шу жиҳат лойиҳанинг муваффақиятини белгилаб берди. “Kamolot” ёшлар ижтимоий ҳаракати ушбу ташаббусни ҳамон кўлдан бой бергани йўқ.

(Давоми 5-саҳифада) ➔



Imkoniyat

КИЧИК БИЗНЕСГА КАТТА МАҚСАДЛАР БИЛАН

*Йигитлигиде йиғ илмнинг маҳзани,
Қарилиғ чоғи харж қилғил ани,*

— деганда мутафаккир шоир вақтнинг ғаниматлигини, ёшлик илму ҳунар эгаллаш учун қулай фурсат эканини таъкидлайди. Ҳазрат Навоий ижодида кишини илму маърифатга, касб-ҳунарга ундайдиган шу каби сатрлар кўп, уларни

ўқиганда бобокалонимизнинг бу тилак-даъватлари бугунги авлод — барча шароит ва имкониятларга эга замонавий билим даргоҳларида таълим олаётган истиқлол ёшларининг турли жабҳалардаги интилишлари, ўқиш-изланишлари тимсолида амалий тасдиғини топаётгандек, назаримизда.

(Давоми 3-саҳифада) ➔

Ayyom shukuh

Қалбилизга яқин қадриятлар



*Барқут кийиб безанди боғлар,
Саҳролар қўксига тақди қизғалдоқ.
Қўёш этагига оқ булут боғлаб,
Урик шохларида қовурди бодроқ.*

*Еллар олиб қочди кишининг хобини,
Барлар чапак чалиб уйғонди шодон.
Бутоқларга қўниб, гўл китобини
Варақлашга тушди булбул — ғазалхон...*

Бухоро шаҳридаги маданият ва истироҳат боғида баҳорга монанд «Қадрият, урф-одат, анъана ва ёшлар» фестивали ўтказилди. Унда вилоятнинг барча туманларидан келган ўғил-қизлар «Ҳар бир ёшга бир ниҳол», «Варрақлар сайли», «Кексаларни эъзозлайлик!», «Наврўз — менинг нигоҳимда», «Наврўз дастурхони», «Ёш ҳунармандлар ва тадбиркорларнинг миллий кўргазмаси», миллий таомлар ва сумалак сайли каби йигирмага яқин лойиҳаларда қатнашиб, йиғилганларни санъат ва маҳоратларидан баҳраманд этди.

(Давоми 4-саҳифада) ➔

Ta'lim taraqqiyoti



Хорижий тилларни ўрганаётган болалар

Ўзбекистонни дунёга танитади

Юртимиздаги барча умумтаълим мактабларида чет тиллар 1-синфдан ўқитилмоқда. Мазкур тажриба ўтган ўқув йилидан бошлаб йўлга қўйилди. Ҳозирги кунда 591 минг нафардан зиёд 1-синф ҳамда 589 минг нафар 2-синф ўқувчиси инглиз, француз ва немис тилларини мактабда фан сифатида ўрганиб келмоқда. Таъкидлаш керак, бошланғич синфлар учун чет тиллардан янги давлат таълим стандартлари умумевропа талабларига асосланиб ишлаб чиқилган. Бу жиҳат дарсларни ташқил этиш шакл ва услублари, айниқса, болажонлар учун яратилаётган янги дарсликлар мазмунида ўз ифодасини топган.

(Давоми 3-саҳифада) ➔

4 ИТ МУТАХАССИСЛАРИ
УЧУН МЕХНАТ ЯРМАРКАСИ

6 ГЎЗАЛОЙНИНГ ГЎЗАЛ
ОРЗУЛАРИ

Xushxabar

Фарангизнинг ютуғи



У Франция, Испания, Швеция, Финляндия, Япония, Россия, Озарбойжон каби бир қатор давлатлардан келган

150 нафарга яқин ёш скрипкачи орасидан энг маҳоратлиси деб тан олинди. Ўзбек қизининг нуфузли ҳакамлар

Испаниянинг Коста-Браво шаҳрида ўтказилган халқаро мусиқа танловида ҳамюртимиз Фарангиз Жўраева 1-ўринга сазовор бўлди.

хайъати олқишига сазовор бўлгани, аввало, юртимизга, унинг салоҳиятли фарзандларига берилган муносиб баҳодир, аслида.

— Фарғона шаҳридаги 4-болалар мусиқа ва санъат мактабиди ўқийман, — дейди Фарангиз. — Олти ёшимда скрипка ва пианино чалишни ўргандим. Ҳозир бешинчи синфда ўқийман. Шу пайтгача бир нечта халқаро танловда қатнашдим. 2012 йилда

Москва шаҳрида ўтказилган “Новые имена” танлови лауреати бўлдим. 2013 йилда академик чолғулар ва эстрада ижрочилиги бўйича республика кўрик-танловида 1-ўрин, 2014 йилда Францияда бўлиб ўтган Глозунов номидаги халқаро скрипкачилар танловида 3-ўринни қўлга киритдим. Бу галги танлов дастури янаям мураккаб бўлди. Унда жаҳон классик мусиқасининг шоҳ асарларини ижро

этим. Ватанимга ёруғ юз билан қайтганимдан хурсандман.

Қайд этиш керак, истиқлол йилларида юртимизда мусиқа таълими тубдан ислоҳ этилди. 2008 йилда қабул қилинган “Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009–2014 йилларга мўлжалланган Давлат дастури» доирасида республикаимизда 278та болалар мусиқа ва санъат мактаби замонавий қиёфа касб этди. Барчаси янги мусиқа асбоблари билан жиҳозланди. Яратилган шароитлар самараси ўлароқ ўтган давр мобайнида ушбу таълим муассасалари ўқувчилари 20дан ортиқ халқаро танловларда қатнашиб, 25 нафари ғолибликни қўлга киритди.

Наргиза БАҲОДИРОВА

Navroʻz nafasi

Кўклам — ҳашар билан кўркам

Ҳашар халқимизнинг энг қадимий қадриятларидан биридир. Бу анъана замирида юртни обод этиш, ўзаро ҳамжихатликни мустаҳкамлаш, бегараз ёрдам кўрсатишдек эзгу фазилатлар мужассам. 14-15 март кунлари мамлакатимиз бўйлаб ўтказилган умумхалқ хайрия ҳашарида 18 миллиондан зиёд юртдошимиз иштирок этди.

Давлатимиз раҳбарининг жорий йил 25 февралда қабул қилинган «2015 йилги Наврўз умумхалқ байрамига тайёргарлик кўриш ва уни ўтказиш тўғрисида»ги қарори ва Вазирлар Маҳкамасининг 2015 йил 7 мартдаги фармойишига биноан мамлакатимизда эълон қилинган ободонлаштириш ва кўкаламзорлаштириш ойлиги доирасида ташкил этилган умумхалқ хайрия ҳашари барча туман ва шаҳарлар, қишлоқ ва маҳаллалар, меҳнат жамоалари, таълим масканларида уюшқоқлик билан ўтказилди.

Ҳашар кунлари қирқ уч минг гектардан ортиқ майдонда ободонлаштириш ишлари амалга оширилиб, йигирма олти минг километр узунликдаги ариқ-зовур ва лотоклар тозаланиб, тўққиз мингдан ортиқ зиёратгоҳ ва қабристон тартибга келтирилди. Ўн олти мингга яқин махсус техника воситаси ёрдамида қарийб олти минг тонна майиш ва қурилиш чиқиндиси белгиланган жойларга чиқариб ташланди.

Икки кунлик умумхалқ хайрия ҳашари **Жиззах** вилояти миқёсида ҳам уюшқоқлик билан ўтди. Маҳалла гузарлари ва кўчалар, шунингдек, ташкилот ва муассасалар атрофи тозаланиб, тартибга келтирилди.

— Вилоятда ўтказилган ҳашар тадбири давомида жами саккиз юз мингдан зиёд мева, бир миллиондан ортиқ манзарали дарахт ва яна шунча гул кўчати ўтказилди. Унда 856 минг нафардан зиёд аҳоли, жумладан,

570 минг 140 нафар ёшлар иштирок этди, — дейди вилоят ҳокимлиги ахборот хизмати раҳбари Дилмурод Абдурахимов. — Шунингдек, улар 138та зиёратгоҳ ва 437та қабристонни ободонлаштиришда, узунлиги 1 минг 983 километрдан иборат ариқ ва зовурларни тозалашда, 3 минг 543 тонна чиқиндини чиқариб ташлашда астойдил меҳнат қилди.

Дўстлик туманидаги 6-умумтаълим мактабиди жорий ўқув йилида ташкил этилган «Ёшлар боғи» ўқувчилар учун ажойиб тўхфа бўлди.

— Умумий майдони бир ярим гектардан иборат мактаб ҳовлисида ҳашар муносабати билан 1 минг 425 туп терак, 75 туп тут, 63 туп қайрағоч, 30 туп арча, 32 туп чинор, 40дан зиёд олма, гилос ва бошқа мева ва манзарали дарахтларга шакл берилиб, окланди, таги юмшатилади, — дейди мактаб директорининг маънавий-маърифий ишлар бўйича ўринбосари Шавкат Тўракулов. — Бундан ташқари, 10 сотих майдонга 3 минг 500 туп терак қаламчиси ўтказилди. Ушбу хайрли ишда фаоллик кўрсатган мактаб ўқувчилари — «Қамолот» ва «Қамалак» болалар ташкилоти аъзолари тадбир баҳонасида «Наврўз» шаҳарча фуқаролар йиғини ва «Олмасор» маҳалласи фаоллари билан биргаликда ҳудуддаги ижтимоий кўмакка муҳтож отахону онахонлар ҳолидан хабар олиб, совға-саломлар улашди.

Дилшод РЎЗИКУЛОВ,
«Turkiston» мухбири

Кун сайин яқинлашаётган улў айём Наврўзи олам арафасида ўтказилган умумхалқ ҳашарини **сурхондарёликлар** ҳам қизғин ва кўтаринкилик билан ўтказди.

Эрта тонгдан ҳашарга отланган Сурхон аҳли боғ ва хиёбонлар, кўча ва гузарлар, маҳаллалар, кўп қаватли уйлар атрофи, табаррук қадамжолар, қабристонларни ободонлаштириш ва кўкаламзорлаштиришга киришди. Каттаю кичик ҳамжихатлигида олиб борилган ободонлаштириш ишлари туфайли чор-атроф кўркамлашиб, янада гўзал қиёфа касб этди.

Икки кун давом этган ҳашар ишларида вилоят миқёсида 226,5 гектар майдон, 199,5 километр ариқ ва зовурлар тозаланди. 344та зиёратгоҳ ва қабристон ободонлаштирилди. Ҳашарда нафақат таълим муассасалари ёшлари, балки уюшмаган ёшлар ҳам фаоллик кўрсатди.

Ҳамжихатликда олиб борилган хайрли ишда маҳаллаларда истиқомат қилаётган нуронийлар ҳолидан хабар олиниб, уларнинг уй юмушларига ҳам кўмаклашилди.

Бундай ташаббуслар янги боғлар, гулзорлар барпо бўлишида, ёшларимизнинг хайрли ишларни амалга оширишида, миллий анъана ва қадриятларимизни асраб-авайлаш, бир-бирига елкадош бўлишдек фазилатлар шаклланишида муҳим аҳамиятга эга.

Наргиза РАҲМАТУЛЛАЕВА,
«Turkiston» мухбири

Умумхалқ хайрия ҳашари **Фарғона** вилоятининг барча шаҳар ва туманларида ҳам уюшқоқлик билан ўтказилди.

Вилоятда икки минг гектардан зиёд майдон ободонлаштирилиб, икки минг километрга яқин ариқ ва зовурлар тозаланди. Корхона, ташкилот ва муассасаларнинг барчаси мамлакатимиз бўйлаб кенг қулоч ёйган «Мустақиллигимизнинг 24 йиллигига 24 туп кўчат» шиорига остида 300 минг тупдан ортиқ мева ва манза-



рали дарахт, 195 минг 710та гул кўчати экди. 1 минг 39та зиёратгоҳ ва қабристон ободонлаштирилиб, 1 минг 200 нафар эҳтиёжманд оилага мурувват ёрдамлари кўрсатилди. 362 нафар Иккинчи жаҳон уруши қатнашчиси ҳолидан хабар олинди.

Ҳашар кунлари жойларда «Қамолот» ёшлар ижтимоий ҳаракати томонидан «Юртимни обод этаман» акцияси доирасида «Ҳар бир ёшга бир ниҳол» ҳамда «Ҳашар — ёшларга ярашар» лойиҳалари, қабристон ва зиёратгоҳларни ободонлаштириш тадбирлари амалга оширилди. Унда 348 минг нафар ўғил-қиз фаол иштирок этди.

Нодиржон ЮСУПОВ,
«Turkiston» мухбири

Икки кун давом этган умумхалқ хайрия ҳашарида **Қашқадарё** вилоятида бир минг 215 гектар майдонда ободонлаштириш ишлари амалга оширилди. 737 километр узунликдаги ариқ-зовурлар тозаланиб, 992та зиёратгоҳ ва қабристонлар тартибга келтирилди. Ҳашар кунлари 21 миллион тубдан ортиқ дарахтга шакл берилди ва окланди. 1 минг 260 нафар кекса ва ногиронлар, ёлғиз қариялар, кам таъминланган оилаларнинг тураржойларини таъмирлашда кўмак берилди.

— Халқимизнинг бунёдкорлик, яратувчилик салоҳияти ҳашар кунлари янада кенг намоён бўлди, — дейди Ҳаракатнинг вилоят кенгаши раиси Фурқат Норматов. — Ушбу хайрли ишда вилоят ёшлари фаол иштирок этди. Фаол «Қамолот»чилар ташаббуси билан барча шаҳар ва туманларда «Ҳашар — ёшларга ярашар» лойиҳаси

амалга оширилди. Лойиҳа доирасида жойлардаги қабристонлар, тарихий қадамжолар, зиёратгоҳларда кенг кўламли ишлар олиб борилди.

Ҳашар кунлари Қарши давлат университетида тўрт минг нафардан зиёд талаба-ёшлар иштирокида 8 гектарга яқин ер майдони юмшатилиб, 3 километрлик ариқ ва лотоклар тозаланди. 1 минг 495та мева ва манзарали дарахтга шакл берилиб, окланди.

— Биз, ёшлар таҳсил олаётган таълим муассаса ва яшаётган маҳалламиз тозаллигига ўз ҳиссамизни қўшишимиз шарт, — дейди Нодир Ҳакимов. — «Ҳашар — ёшларга ярашар» лойиҳасида қатнашаётганимдан мамнунман. Шу кун уни университетимиздаги «Қамолот» боғида турли хил мева ва манзарали дарахт кўчатларини экдик.

Фаол «Қамолот»чилар якка-ёлғиз қариялар ҳолидан хабар олиб, уларнинг хонадонларида ҳам ҳашар уюштирди

— Шукрки, шундай тинч, фаровон ва эмин-эркин кунларда яшаймиз, — дейди Қарши шаҳридаги «Беклар» маҳалласида истиқомат қилувчи Дилором момо. — Юртбошимиз халқимизга чин инсондек яшаш бахтини тўхфа этди. Мустақиллик туфайли юртимизда бўлаётган ўзгариш ва янгиланишларни кўриб, қайтадан яшариб, ишлагим келади.

Лойиҳа якунида фаол иштирок этган бир гуруҳ ёшларга «Қамолот» ва «Қамалак» болалар ташкилотларининг эсдалик совғалари ва фахрий ёрликлари топширилди.

Аҳроп СОДИКОВ

КИЧИК БИЗНЕСГА КАТТА МАҚСАДЛАР БИЛАН

(Давоми, бошланиши 1-саҳифада)

Ҳадемай, юртимиздаги касб-хунар коллежларини минг-минглаб йигит-қизлар тамомлаб, катта ҳаётга қадам қўяди. Кимдир олий таълим муассасасига ҳужжат топширса, кимдир корхона ёки ташкилотда меҳнат фаолиятини бошлайди. Тадбиркорликка қизиқиши борлар учун ҳам имкониятлар етарли, қизиқишга қўшиб билим ва ўқуви бўлса, бас: яхши бизнес гоё учун кредит бераман деб турган тижорат банклари бисёр. Аммо савол туғилади: ҳўш, бизнес билан шуғулланиш шунчалик осонми? Ҳолва деган билан оғиз чучимайди, ҳаёлга келган лойиҳани қозғога тушириб, бирор тижорат банкига олиб борган билан кредитга эга бўлиб қоладими? Йўқ, албатта. Ҳар бир соҳанинг ўз талаб ва мезонлари бўлгани каби, тадбиркорлик ҳам ўзига яраша билим, қобилият, керак бўлса, иқтидор талаб қилади.

Худудларда ташкил этилган «Ёш тадбиркор» консультатив марказлари бу борада ёшлар учун энг яқин қўмакчи ва ҳамкор десак, муболаға бўлмас. Уларда йигит-қизлар тадбиркорликни бошлаш учун зарур дастлабки кўникмаларга эга бўлади. Малакали тренерлар ҳузурига келган йигит ёки қизга бугун мамлакатимизда тадбиркорликка яратилган имкониятлар, имтиёзлар ҳақида маълумот беради, бизнес режа тузишни ўргатади, имтиёзли кредитлар олиш йўл-йўриқла-

ри билан таништиради.

«Ёш тадбиркор» консультатив марказлари 2011 йилдан «Қамолот» ёшлар ижтимоий ҳаракатининг худудлардаги «Ёшлар ижтимоий хизматлари» марказлари қошида фаолият бошлаган. Дастлаб 14 марказда 14 нафар координатор ҳамда 15 нафар бизнес тренер ишлаган бўлса, айни пайтда мазкур марказларнинг сони 32тага етиб, ҳар бирида координатор, икки юз нафар кўнгилли бизнес тренер фаолият олиб бормоқда. 2014 йил «Ёш тадбиркор» консультатив марказларида 1543та семинар-тренинг ташкил этилиб, унга юз минг нафардан ортиқ йигит-қиз жалб этилди. Уларнинг 2433 нафарига тижорат банкларида 20 миллиард 531 миллион сўмдан зиёд имтиёзли кредитлар олишга қўмаклашилди. Натижада 5300 нафар ўғил-қиз иш билан таъминланди.

Икки йилдирки, Бўстонлик туманидаги «Қамолот» ёшлар оромгоҳида «Ёш тадбиркор» консультатив марказлари координаторлари ҳамда тренерларининг малакасини оширишга қаратилган ўқув-семинар ташкил этилмоқда. Бу йилги семинарда Қорақалпоғистон Республикаси, вилоятлар ва Тошкент шаҳридан 32 нафар координатор ҳамда 90 нафар кўнгилли бизнес тренер қатнашди.

Беш кунлик семинар давомида соҳа мутахассислари томонидан ёшларни кичик бизнес ва хусусий тадбиркорликка янада кенгроқ жалб қилиш, уларга ҳукуматимиз томонидан яратилаётган



имтиёз ва имкониятларни етказиш, касб-хунар коллежлари битирувчиларига тадбиркорлик фаолиятини бошлаши учун бошланғич билим бериш, оилавий бизнес ва касаначиликни ривожлантириш ҳамда уларга имтиёзли микромолиявий хизматлар кўрсатиш орқали янги иш ўринларини яратиш, тадбиркорлик кўникмаларини шакллантиришга қаратилган ўқув машғулотлар олиб борилди.

Шунингдек, «Кичик бизнес ва хусусий тадбиркорликни тартибга солувчи ҳуқуқий-меъёрий ҳужжатлар», «Ўз бизнесини рўйхатдан ўтказиш, бизнеснинг ҳуқуқий мақоми», «Маркетинг стратегиясини ишлаб чиқиш», «Ўқитишнинг самарали интерфал методлари», «Бизнес режа ёзиш талаблари», «Бизнеснинг молиявий манбалари», «Кредитлар ва лизинг олиш талаблари» каби мавзуларда интерфал усулда ўқув-машғулотлар ўтказилиб, иштирокчилар тайёрлаган тақдимотлар

намоиш этилди. Тақдимотда Бухоро вилоятидан келган «Ёш тадбиркор» консультатив марказлари координатор ва тренерларининг «Иқтисодчи ўқитувчи — қамолотга элтувчи» лойиҳаси кўпчиликда қизиқиш уйғотди.

«Қамолот» ЁИХ Қашқадарё вилояти кенгаши қошидаги «Ёш тадбиркор» консультатив маркази томонидан ишлаб чиқилган «Тадбиркорлик билан келажак сари» лойиҳаси касб-хунар коллежлари битирувчилари, ишсиз ёшларни тадбиркорликка кенг жалб этиш ҳамда кичик бизнес ва хусусий тадбиркорлик, фермерлик ва касаначиликни ривожлантиришга хизмат қилмоқда.

— Ҳаракатнинг вилоят кенгаши, вилоят прокуратураси, Марказий банк вилоят бошқармаси, тижорат банклари, ўрта махсус касб-хунар таълими, меҳнат ва аҳолини ижтимоий муҳофаза қилиш ва солиқ бошқармалари, «Хунароманд» уюшмаси, вилоят Фермерлар кенгаши ҳамкорлигида таш-

кил этилган лойиҳанинг дастлабки босқичида худуд миқёсида тадбиркор ва фермер бўлиш истагини билдирган 500 нафар ёш иштирок этди, — дейди «Қамолот» ЁИХ Қашқадарё вилояти кенгаши қошидаги «Ёш тадбиркор» консультатив маркази координатори Адҳам Тоҳиров. — Улар орасидан саралаб олинган 57 нафар ўғил-қизга тадбиркорлик фаолиятини бошлаши учун имтиёзли кредит ҳамда бўлажак фермерларга ўз худудларидан захирага қайтарилган майдонлар ҳисобидан ер ажратиш имконини берувчи сертификатлар топширилди. Айни пайтда вилоят миқёсида учта координатор ва 74 нафар тренер фаолият юритмоқда. Мазкур семинар билим ва кўникмаларимизни мустаҳкамлаш ҳамда тажриба алмашиш имконини берди.

Семинарда иштирокчиларнинг билим ва маҳоратини ошириш билан бирга, ўтган йили амалга оширилган ишлар ҳам сарҳисоб қилинди. Жорий йилда ташкил этиладиган лойиҳалар самарадорлигини ошириш, ёш тадбиркорларни қўллаб-қувватлаш борасида олиб борилаётган амалий ишлар қўламини кенгайтириш юзасидан муҳим вазифалар белгилаб олинди.

Семинар якунида «Қамолот» ЁИХ Марказий Кенгаши, Марказий банк, Ўзбекистон Савдосаноат палатаси ҳамда Олий ва ўрта махсус таълим вазирлиги вакиллари иштирокида «Ёшлар орасида кичик бизнес ва хусусий тадбиркорликни ривожлантиришда тижорат банкларининг ўрни», «Координаторлар соати», «Ҳоким билан учрашув», «Лойиҳага янги ҳамкорларни жалб қилиш» мавзуларда давра суҳбатлари ташкил этилди.

Рустам ЮСУПОВ,
«Turkiston» мухбири



(Давоми, бошланиши 1-саҳифада)

Дарсликлар эса, чиндан ҳам, ўзига хос. Улар анъанавийларидан фарқланиб, мажмуа кўринишига эга. Тўплам ўқувчи китоби, ўқитувчилар учун методик қўлланма ҳамда мультимедиа иловадан ташкил топган. Ўқувчи китобида машғулот ва топшириқлардан ташқари, ота-оналар учун фойдали тавсиялар ҳам берилади. Методик қўлланма ўқитувчига ҳар бир мавзунини қандай усулда ўтишни ўргатса, мультимедиа иловада дарсликнинг электрон мағзи — слайд, видео ва аудио материаллар жамланган.

Жорий ўқув йилида 2-синф ўқувчилари учун 588 минг 957та дарслик мажмуаси тайёрланиб, барча мактабларга бепул тақдим этилди. Юртимизда чет тилларидан янги форматдаги ўқув адабиётларининг кейинги авлоди — 3-синфлар учун дарслик мажмуалари ҳам яратилди. Охирги икки ярим ой мобайнида улар

132та мактабда тажриба-синновдан ўтказилди.

— Мазкур жараёнда ҳар бир худуддан тўққизта: 5тадан инглиз, 2тадан немис ва 2тадан француз тили ўқитиладиган таянч мактаб қатнашди, — дейди Республика таълим маркази хорижий тиллар бўлими бошлиғи Инобат Матиязова. — Бошқа умумтаълим муассасаларининг чет тиллари ўқитувчилари учун эса таянч мактабларда маҳорат дарслари олиб борилди. Шу аснода экспертментатор педагоглар тажриба-синов жараёнидаги кузатув ва ҳулосаларини ҳаммасблари билан ўртоқлашди. Аслида бошланғич синфларда хорижий тилларни ўргатаётган ўқитувчиларнинг касбий малакасини оширишга аввал бошданок алоҳида эътибор қаратиб келинмоқда. Ҳозир ушбу амалиёт тизимли йўлга қўйилган. Бунинг учун Абдулла Авлоний номидаги халқ таълими ходимларини қайта тайёрлаш ва малакасини ошириш марказий институтида 700 нафардан

Хорижий тилларни ўрганаётган болалар Ўзбекистонни дунёга танитади

ортиқ тренер-ўқитувчи тайёрланди. Жорий йилдан эътиборан барча туманларда улар иштирокида узлуксиз малака ошириш курслари ташкил этилмоқда. Бир йилда бундай курсларга 20 минг нафар ўқитувчини қамраб олиш мумкин.

3-синфлар учун мўлжалланган «Kids' English» дарслик мажмуаси бу йил биринчи қаторида пойтахтимиздаги 249-умумтаълим мактабида синовдан ўтказилди. Бир чорак давомида ўттиз нафар ўқувчи 14та бўлимдан иборат янги дарслик китоби асосида инглиз тилидан сабоқ олди. Бунга қўшимча равишда улар дарсдан кейинги тўғарак машғулотларида ҳам шуғулланиш имконига эга бўлди.

— 1- ва 2-синф дарсликларида болага чет тилларни кўпроқ ўйин тарзида ўргатиш назарда тутилган бўлса, 3-синфга келиб ҳам ёзиш, ҳам ўқиш ва гапириш кўникмалари биргаликда шакллантириб борилади, — дейди бошланғич синфлар учун «Kids' English» дарсликлари муаллифи, А.Авлоний номидаги халқ таълими ходимларини қайта тайёрлаш ва малакасини ошириш марказий институти хорижий тиллар кафедраси мудири Клара Иномова. — Шу мақсадда 3-синф ўқувчи китобида мустақил иш мавзусини киритганмиз. Масалан, болалар оилавий фотоальбомни яратиш ёки истикомат қилаётган хонадонини таърифлаб бериш каби топшириқларни уйда бажариб келиб, олдинги мавзуларда олинган билимларни мустаҳкамлайди. Янги дарсликда «Ота-оналар бурчаги» деган махсус бўлим ҳам мавжуд. Ота-оналарга енгиллик бўлсин ҳамда улар фарзанди билан шуғулланишга кўпроқ вақт ажратсин деб бу ерда инглизча сўзларнинг ўзбек ёки рус тилидаги талаффузи келтирилган. Айтиш керак, тажриба-синов давомида ўқитувчилар китобдаги матнларни бироз кўпайтириш таклифини билдирди.

«Kids' English» дарслигининг мультимедиа иловаси ҳар бир дарс машғулотини қизиқарли ва мазмундор ташкил этишда ёрдам беради. Мазкур дастурий ишланма тил ўргатувчи қўллаб-қўшиқлар, видеослайд ва расмли лавҳаларни ўз ичига олган. Ўқувчи ва ўқитувчилар бундай қулайликдан бемалол фойдалана олиши учун мактаблардаги чет тил-

раси мудири Клара Иномова. — Шу мақсадда 3-синф ўқувчи китобида мустақил иш мавзусини киритганмиз. Масалан, болалар оилавий фотоальбомни яратиш ёки истикомат қилаётган хонадонини таърифлаб бериш каби топшириқларни уйда бажариб келиб, олдинги мавзуларда олинган билимларни мустаҳкамлайди. Янги дарсликда «Ота-оналар бурчаги» деган махсус бўлим ҳам мавжуд. Ота-оналарга енгиллик бўлсин ҳамда улар фарзанди билан шуғулланишга кўпроқ вақт ажратсин деб бу ерда инглизча сўзларнинг ўзбек ёки рус тилидаги талаффузи келтирилган. Айтиш керак, тажриба-синов давомида ўқитувчилар китобдаги матнларни бироз кўпайтириш таклифини билдирди.

«Kids' English» дарслигининг мультимедиа иловаси ҳар бир дарс машғулотини қизиқарли ва мазмундор ташкил этишда ёрдам беради. Мазкур дастурий ишланма тил ўргатувчи қўллаб-қўшиқлар, видеослайд ва расмли лавҳаларни ўз ичига олган. Ўқувчи ва ўқитувчилар бундай қулайликдан бемалол фойдалана олиши учун мактаблардаги чет тил-



лар кабинетлари зарур техник воситалар билан таъминланмоқда. Ўтган ўқув йилининг ўзида 17222та синф хонаси DVD магнитола, ўқув адабиётлари ва луғатлар билан жиҳозланган бўлса, жорий йилда 5286та бошланғич синф хонасини жиҳозлаш кўзда тутилган.

— Бошланғич синфлардаги ҳар бир дарсимни қўшиқ билан бошлайман, — дейди Тошкент шаҳридаги 249-мактабнинг инглиз тили ўқитувчиси Дилфуза Сатторова. — Синф хонасида телевизор, DVD магнитола, проектор бор. Улардан фойдаланиб машғулотларни ранг-баранг олиб бориш

мумкин. Болалар зерикмайди. Ўзим ҳам қўшимча манбалардан кўп изланаман. Ўқувчилар учун янги ўйинларни топишга, ўқитишнинг янги методларини татбиқ этишга ҳаракат қиламан. Кичкинтойлар нихоятда билимга чанқоқ ва интилувчан бўлади. Уларнинг шижоатини кўриб аянам жўшиб ишлагинг келади. Мана кўрасиз, беш-ўн йилдан кейин бу болалар инглиз тилида шундай сўзласинки, дунё бизга ҳавас қилсин. Бунга ишончим комил.

Наргиза УМАРОВА,
«Turkiston» мухбири.
Муаллиф олган суратлар.

Қалбимизга яқин қадриятлар



(Давоми, бошланиши
1-саҳифада)

Кўлам болажонларнинг қийқириқлари, кенг далада яйраб варрак учиринлари билан янада завқли кўринади. Фестивалнинг «Варраклар сайли»ни кузатарканмиз, бунга яна бир марта амин бўлдик. Кўкка парвоз қилган «Куёшжон», «Оқ кабутар» «Баҳорим — беғуборим», «Наврўз» номли варраклар нафақат уларни учирган болаларга, балки боғга ташриф буюрган барча меҳмонларга завқ улашди. Лазизжон Асадов, Санжар Султонов, Алибек Ҳақимов сингари илм ва ижодга чанқоқ ўспиринлар ясаган варраклар «Энг учкур тинчлик қанотлари» дея эътироф этилди.

Ёш хунармандлар ва тадбиркорлар миллий кўргазмасида декоратив ва қўл меҳнати усталари, ёш заргар, наққош ва ёғоч ўймакорлари, гиламдўз, патдўзу зардўзлар иштирок этди. Кўргазмада ўқувчиларнинг бисер ва мунчоқлардан ясаган тақинчоқ ва ўйинчоқлари кўпчиликнинг эътиборида бўлди. Когон туманидаги 14-мактабнинг «Моҳир кўллар» тўғараги аъзоси, каштадўз Нигора Менглиева, кулол Нилуфар Йўлдошева, миниатюра устаси Маҳлиё Абдувахобованинг ижодий ишлари «Энг гўзал ва мафтункор» деб топилди. «Миллий либослар» лойиҳасида Райхон Расулова, Манзила Камолова, Фарангиз Атоева каби ёш дизайнерлар ғолиб бўлди.

Гўзалликни ҳар ким ўз нигоҳи билан кўради. Масалан, кимгадир баҳор энг яхши илҳом бахш этувчи фаслдир.

Бошқа биров эса кўкларни дилларда ёруғ тилакларни уйғотиши туфайли севади. Наврўз ҳам шундай, уни ҳар бир қалб ўзича яхши кўради, ардоқлайди. «Наврўз — менинг нигоҳимда» деб номланган расмлар танловида қатнашган иқтидор соҳиблари ҳам унга дил изҳорларини рангли қалам воситасида баён этди. Рангтавир, амалий санъат, композиция ва бадиий графика йўналишларида ўз маҳоратини намойиш этган когонлик Олтиной Юсупова, Бухоро шаҳридан Муҳаммад Муҳаммедов, вобкентлик Беҳрўз Идиев муносиб рағбатлантирилди. Шунингдек, Ойгул Очилова, Жавоҳир Жамолов, Меҳринисо Усмонова каби ёш рассомларнинг ижодий ишлари ҳам ҳакамлар томонидан ижобий баҳоланди.

Баҳор айёмларини миллий ўйинларсиз тасаввур қилиб бўлмайди. Йигилганлар «Миллий ўйинлар» лойиҳасида қоровулбозорликларнинг «Асиқ», «Қозоқча рақс», «Наврўзбегим» ва «Кигизбосиш» маросимларини, ғиждувонликларнинг ўлану ёр-ёрларини, нозик юмор туйғусига эга шофирконликларнинг аскияларини, пешкўликларнинг фольклор жамоалари чиқишини мириқиб томоша қилди.

Миллий таомлар танлови ҳам қизиқarli кечди. Ўн беш нафар ошпаз палов пиширди. Вобкентлик Сожида Юсупова, ромитанлик Иззат Солиев ҳамда шофирконлик Анвар Арабов «Энг моҳир ошпаз» номинациясида ғолиб чиқди ва муносиб тақдирланди. Сумалак сайли ҳам баҳорий кайфиятда ўтди.

Миллий кураш мусобақаси барчада катта қизиқиш уйғотди. Бухоро шаҳридаги 2-болалар ва ўсмирлар спорт мактаби ўқувчиси Аббос Ёкубов барча рақибларини енгиб, биринчи ўринни қўлга киритган бўлса, иккинчи ўрин қорақўллик Ҳасан Ҳамроевга, учинчи ўрин эса қоровулбозорлик Аббос Курбоновга насиб этди. Қизлар ўртасидаги беллашувларда Бухоро шаҳридан Муяссар Элмуродова, Озода Нурматов



ва ҳамда ғиждувонлик Моҳларойим Раҳимованинг қўли баланд келди.

— Фестиваль жуда қизиқarli ўтди, айниса, миллий ўйинларни томоша қилиб, яйрадим, — дейди Бухоро шаҳридаги 22-мактаб ўқувчиси Мироншоҳ Ҳамидов. — Масалан, «Бир қўл, бир оёқ» ўйини ҳақида умуман эшитмаган эдим. Бу ўйинга бугун гувоҳ бўлдим. Жуда қизиқ экан. Бунда иштирокчилар диаметри икки-уч метр бўлган айлана ичида ўнг қўли билан чап оёғини ёки чап қўли билан ўнг оёғини ушлаб олган ҳолда «жанг»га киришар экан. Рақибини кўкраги билан итариб, айлана ичидан чиқариб юбориши керак. Аммо ўйин давомида зинҳор қўполликка, бир-бирини йиқитишга йўл қўйилмаслиги лозим. Бу ўйин чаққонлик, курашувчанликка ўргатади.

Йил номига муносиб «Кексаларни эъзозлайлик!» лойиҳаси қариялар ва ёлғиз кексалар ҳолидан хабар олишга қаратилган. Мазкур фестивалга тайёргарлик кечаётган кунларда фаол «Камолот»чилар ва шаҳар, туман сардорлар

кенгаши аъзолари томонидан эътибор ва қўмакка муҳтож юз нафарга яқин қариялар хонадонидида ҳашар уюштирилиб, таъмирлаш ва ободонлаштириш ишлари бажарилди.

Халқ хизмати йўлида камарбаста бўлган, жамият равнақи ва юрт тараққиёти йўлида фидойилик кўрсатган ҳамда бугун кексалик гаштини сураётган кўплаб отахону онахонлар фестивалга меҳмон сифатида таклиф этилди. «Наврўз таомлари» лойиҳаси доирасида ёзилган дастурхон атрофида тўпланган кексаларга ош тортилди.

«Қадрият, урф-одат, анъана ва ёшлар» фестивали нафақат ёшларга, балки турли ёшдаги ҳамюртларимизга хурсандчилик улашди. Фестиваль сўнигида ҳар бир лойиҳа бўйича ғолиб бўлган иштирокчилар Ҳаракатнинг вилоят кенгаши томонидан муносиб тақдирланди.

Лайло ҲАЙИТОВА,
«Turkiston» мухбири

IT

Bandlik dasturi amalda

Мутахассислари учун меҳнат ярмаркаси

Тошкент ахборот технологиялари университетида IT мутахассислари учун бўш иш ўринлари ярмаркаси ташкил этилди. Бир вақтнинг ўзида бундай тадбирлар республикамизнинг бошқа ҳудудларида ҳам ўтказилди. Уларда 50га яқин корхона, 40дан ортиқ давлат органлари, банк-молия муассасалари ҳамда компаниялар иштирок этди. Пойтахтнинг ўзида ёшларга салкам мингта бўш иш ўрни таклиф этилди.

Бу йилги ярмаркаларга касб-хунар коллежлари ўқувчилари ҳам жалб этилгани алоҳида эътиборга моликдир. Таъкидлаш керак, юртимизда бундай таълим муассасаларининг салмоғи



анча кўп. Биргина Ахборот технологиялари ва коммуникацияларини ривожлантириш вазирлиги тизимида 74та коллеж ва иккита академик лицей мавжуд. Уларни ҳар йили 20 минг нафардан зиёд йигит-қиз битириб чиқмоқда.

АКТ соҳасидаги кадрларга талаб йилдан-йилга ортмоқда. Шунга яраша таълим тизими ҳам такомиллашяпти. Масалан, ўтган йили Президентимиз ташаббуси билан Тошкент шаҳрида очилган Жанубий Корейнинг Инха университети соҳа мутахассисларини халқаро талаблар асосида тайёрлаш имконини беради.

Сўнгги йилларда ахборот-коммуникация технологияларининг давлат ҳокимияти ва бошқаруви тизимларига кенг



жорий этилаётганини ҳам қайд этиш керак. Ҳозирги кунда мамлакатимиздаги давлат, хўжалик бошқаруви органлари ҳамда маҳаллий ҳокимликларда АКТ бўйича махсус бўлинмалар фаолият кўрсатмоқда. Мазкур тузилмаларни малакали кадрлар билан таъминлаш айна муддао. IT мутахассислари учун ташкил этилаётган бўш иш ўринлари ярмаркаларида давлат секторининг фаоллигини шу билан изоҳлаш мумкин. Тошкент ахборот технологиялари университетида бўлиб ўтган ярмарка доирасида давлат органлари ва ташкилотлари ўз тақдимотларини ўтказиб, бўлажак ITчиларга бўш иш ўринлари ҳамда меҳнат шароитлари ҳақида маълумот берди.

Наргиза БАҲОДИРОВА

«Kamolot» ko'zgusi

Наманган туманидаги 39-мактабда «Камолот» ёшлар ижтимоий ҳаракатининг мактаблардаги бошланғич ташкилотлари етакчилари учун ўқув-семинар ташкил этилди.

ИНТЕРФАОЛ МАШҒУЛОТЛАР

Ҳаракат қошидаги «Ўқув-услубий марказ» нодавлат таълим муассасаси томонидан ўтказилган семинарда қирқ нафар бошланғич ташкилот етакчиси билим ва кўникмаларини мустаҳкамлади.

Семинарда «Ўқув-услубий марказ»нинг етакчи мутахассислари «Камолот» ёшлар ижтимоий ҳаракатининг мақсад ва вазифалари, ташкилий тузилиши, «Ҳаракатнинг бошланғич ташкилотлари фаолияти», «Камалак» болалар ташкилоти томонидан ташкил этиладиган лойиҳалар, «Ҳуқуқий, маънавий-маърифий лойиҳаларни амалга ошириш», «Иқтидорли ёшларга қаратилган лойиҳалар», «Спорт ва саломатлик лойиҳалари», «Маънавий-маърифий ишлар самарадорлигини оширишда таълим муассасаларидаги маънавий-маърифий ишлар бўйича директор ўринбосарлари ва бошланғич ташкилот етакчиларининг ўрни» каби мавзуларда ўқув-машғулотлар олиб борди.

Семинар давомида интерфаол машғулотлар ҳамда мавзуга доир савол-жавоблар ўтказилди.

Ҳусниддин БЕКБЎТАЕВ

БАҲОР КЕЛДИ СЕНИ СЎРОҚЛАБ...

(Давоми, бошланиши
1-саҳифада)

Бу галги мулоқотда Ўзбекистон Ёзувчилар уюшмаси раиси, Ўзбекистон халқ ёзувчиси Муҳаммад Али, Ўзбекистон халқ шоири Ойдин Ҳожиева, Ўзбекистонда хизмат кўрсатган маданият ходими Қутлибека Раҳимбоева, «Саодат» журнали бош муҳаррири Феруза Жалилова, Зулфия номидаги Давлат мукофоти лауреати Гулжамол Асқарова, адабиётшунос олим Умарали Норматов тадбир қатнашчилари томонидан ҳамда виртуал йўлланган саволларга жавоб берди.

Уч соатдан кўп вақт давом этган мулоқот чоғида меҳмонлар билдирган фикр-мулоҳазалар Ҳаракатнинг www.kamolot.uz сайти ҳамда ижтимоий тармоқлардаги веб-саҳифаларга тўғридан-тўғри жойлаштириб борилди.

Ижтимоий тармоқлар орқали берилган дастлабки саволга шоиранинг энг суюкли шогирди (онлайн-мулоқот давомида бу таъриф ҳақиқат эканига яна бир бор амин бўлди) Ойдин Ҳожиева жавоб қайтарди:

— Юртбошимиз Зулфияхонимни Зебунисо, Нодирабегимдек ўзбек аёли тимсолига айланган аждодларимизнинг муносиб давомчиси дея юксак эътироф этган. Зулфиядаги айнан қайси фазилатларни ёшларга ўрнатиш сифатида кўрсата оласиз?

Ойдин Ҳожиева:



— Зулфияхоним жудаям матонатли, меҳнаткаш ва ниҳоятда гўзал инсон эди. Бизга ҳаммаша мен остона ҳатлаб кўчага чиқаётиб, бор дарду ғамим, ҳасратим, хижрон азобларимни уйда қолдираман. Мен халққа ёруғ юз билан, некбин нигоҳ билан қараш учун чиқаман, дерди. Уйлайманки, бугунги Зулфияхоним қизларининг ҳар бирида шоиранинг бир улуг фазилати бор.

Дилкушо Наврўзова,

Навоий вилояти:

— Зулфиянинг Ҳамид Олимжонга атаб ёзган «Сенсиз», «Жануб чопари» каби шеърларни ўқиганимизда ўзбек аёлига хос вафо ва садоқатнинг асл намунасини кўргандек бўлам. Бугун турмуш қуриш остонасида турган қизлар-



га шоиранинг ҳаёт йўли ҳар жиҳатдан ибратлидир. Айтинг-чи, бугунги ўзбек қизларида шоиранинг қайси жиҳатларини кўрасиз-у, қайси жиҳатларини қидирасиз?

Қутлибека Раҳимбоева:



— Бугун қизларимиз ўзининг фаоллиги, юқори марраларни қўзлаётгани билан жамиятда ўз ўрнини топомқда. Қайси жабҳада бўлмасин Ватанимиз шаънини жаҳонга танита оляпти улар. Тўғриси, менга бугунги ёшларимизни, айниқса, қизларимизни танқид қилиш ёқмайди. Сабаби, ишонаман, насл-насаби улугвор, жасур ва матонатли афсонавий Тўмарису Нодирабегим, Зулфияхоним каби улуг зотларнинг издошлари бўлган қизларимиз, оммавий маданият ниқоби остидаги маънавиятимизга қарши қаратилган хуружларни, ўзидан соқит қилишга қодир.

— Халқ орасида ҳам тилларда дoston бўлган Зулфияхоним ва адабиётимизнинг улкан намоёниси Ҳамид Олимжоннинг илк учрашувлари ҳақида сўзлаб берсангиз. Уларнинг биргаликдаги ҳаёт йўли ҳақида ёшларга нима дея оласиз?

Муҳаммад Али:

— Бу саволнинг менга берилганидан хурсанд бўлиб кетдим. Уларнинг илк учрашувлари ҳақида кўп эшитганман. Бир адабий учрашувга Зулфия опамиз бироз кечикибди. Кирса аудитория тўла. Кўзларига бирдан «оловдек» кўри-



ниб кетган Ҳамид Олимжон ёнидан жой таклиф қилади. Икки буюк инсоннинг танишуви шундай кечган. Ҳамид Олимжон қиёфасида гўзалликка ошно шоирнигина эмас, маънавий етуқ, ҳақиқий эр кишини кўрган Зулфияхонимнинг танлови қизларга, Зулфияхонимдек кенг тасаввур дунёсига эга бўлган, ҳаё-ибо, матонат бардош соҳибасининг юрагини забт этиш эса йигитларимизга насиб қилсин.

Наманганлик «Камолот»-чилар Зулфияхоним издошлари бугун унинг йўлини қай даражада давом эттираётгани билан қизиқди.

Гулжамол Асқарова:



— Юртбошимиз «Юксак маънавият — енгилмас куч» асарида ҳам Зулфияхонимни маънавий жасорат соҳибаси сифатида эътироф этган, унинг инсоний фазилатларини ҳар бир ўзбек қизига ибрат қилиб, сингдириш мақсадида юртимизда Зулфияхоним номидаги Давлат мукофоти таъсис этилди. Хотин-қизларга қаратилаётган бундай эътибор исиз қолмайди, албатта. Қизларимиз кўп соҳаларда дунёдаги тенгдошларидан ўза олишини бугун амалда намоён қилмоқда. Улар Зулфияхонимнинг изини муносиб давом эттирмоқда, деб баралла айтишга ҳаққим бор, менимча.

Тадбирда турли таълим муассасаларидан келган ёш ижодкорлар, шоиранинг мухлислари, Зулфия номидаги давлат мукофоти совриндорлари ҳам қатнашди. Онлайн мулоқот давомида улар ҳам ўз саволларини бериш имкониятларига эга бўлди.

— Саволим бевосита «Саодат» журналининг бош муҳаррири Феруза Жалиловага қаратилган. Бугун сиз ҳам қайсидир маънода Зулфияхоним яратган ижод мактабини давом эттиряпсиз. Таҳририятга ижодкор қизлардан келадиган мактубларни ўқиётганингизда ичингиздан нималар кечади?

Феруза Жалилова:



— Зулфия опам таҳририятга келган руҳий кўмак, далда, нажот истаб ёзилган ёки қиз-жувонлар қувончли онларини бўлишган минглаб хатларга эринмай, биттама-битта жавоб ёзиб, уларнинг келажақдаги тақдири билан ҳам қизиқар эди. Бу анъана таҳририятимизда ҳали ҳам сақланиб келмоқда. Иш куним аввалида албатта хатлар билан танишаман. Айтмоқчиманки, Зулфия опам қатта мактаб яратиш кетди. Мен бир вақтлар Зулфияхонимга тегишли бўлган иш столига ўтирганимда ҳар сафар елкамда улкан масъулият борлигини ҳис қилиб тураман.

Мулоқот қизгин паллага етганда бошловчи мусиқий танаффусни эълон қилиб қолди. Ҳамид Олимжоннинг Зулфияхонимга бағишлаб битган шеърлари куйга солиниб, ижро этилган дилбар қўшиқлар иштирокчилар қалбида илиқ туйғулар уйғотди. «Нихол» мукофоти совриндори Малика Эгамбердиева, ёш истеъдодли хонандалар Фарҳод ва Ширин чиқишлари барчага бахорий, қувноқ қайфият бахш этди. Шундан сўнг тадбирнинг иккинчи қисми бошланди:

— Зулфияхонимга Ватанининг истиқлолга эришиш бахтини кўриш насиб қилди. Айтинг-чи, ана шундай сурурли онларни шоирамиз қандай кутиб олганди?

Ойдин Ҳожиева:

— Истиқлол Зулфия опамни қайтадан ёшартирди, дилларига озодлик, хурлик нафасини олиб келди. Шунда қатта қувонч билан ёздиларки,

Хуррият, келдингми —
наҳотки келдинг,
Пинҳона соғиндим,
пинҳона кутдим.

Ёмғирга бағрини
тутган саҳродек,
Сенинг насимингга
қалбимни тутдим...

Шу сатрларининг ўзи, шоира туйган қувончининг яққол ифодаси эмасми?

Онлайн мулоқот Зулфияхоним шахсини, беғубор ва бетакрор ички оламини яна бир марта кашф этди десак янглишмаймиз. Унинг шогирдлари, замондошлари сермахсул ижоди, ибратли ҳаёт йўлини хотирлар экан, суҳбатни кузатган ҳар бир ёш ўз олдига қатта мақсадлар қўйиб қалбига орзу истаклар тўлган бўлса, не ажаб?

Ёшларга анча қулай ва тушунарли бўлган онлайн форматда ташкил этилган «Камолот»да меҳмонда» лойиҳаси бир муҳим ҳақиқатни исботлади — интернет воситасида олди-қочди гап-



ларни эмас, ёшлар ҳаёти, маънавий оламига дахлдор масалаларни кўтариш зарур.

Шу ўринда бир маълумот: агар 2012 йил 8 март куни бўлиб ўтган биринчи онлайн мулоқотга йўлланган саволлар сони 400га ҳам етмаган бўлса, охириги мулоқотда бу рақам 700дан ошди. Бу эса тенгдошларимиз ижтимоий лойиҳаларга бефарқ эмаслигини ва демак, «Камолот» ёшлар ижтимоий ҳаракати ўз атрофида яна-яна кўп ёшларни бирлаштириш олаётганидан далолат беради.

Парвина ОМОНОВА,
«Turkiston» мухбири.
Рустам Назарматов
олган суратлар.



Zulfiya nomidagi Davlat mukofoti sovrindorlari

ЎЗАЛОЙНИНГ ЎЗА ОРЗУЛАРИ



Мамлакатимизда иқтидорли ёшларни ҳар томонлама қўллаб-қувватлаш, рағбатлантириш, истеъдод ва салоҳиятини тўлақонли юзага чиқаришига кўмаклашиш борасида кенг қўламли ишлар амалга оширилмоқда. Турли кўрик-танлов, санъат ва спорт фестиваллари ўтказилаётир.

Зулфия номидаги Давлат мукофоти учун танлов ҳам маданият, санъат, спорт, таълим ва адабиёт йўналишлари бўйича юзлаб ёш иқтидор соҳибаларини кашф этди. Жумладан, Андижон вилоятидан 16 нафар қиз ушбу юксак мукофотга сазовор бўлди. Жорий йил улар сафига Андижон давлат университети қошидаги 2-академик лицей ўқувчиси Ғўзало Абдуллаева ҳам қўшилди.

Ғўзало турли фанларга, санъат, спорт ва ижодга катта қизиқиш билан қарайди. Мактабда ўқиб юрган кезлариёқ ўзининг табиат, Ватан ҳақидаги шеърлари, кичик ҳикоя, лавҳа ва қатра-

лари билан матбуотда чиқиш қилиб, мухлис ва мутахассислар эътирофига сазовор бўлган. Бир қатор ижодий танловларда фаол қатнашиб, ғолибликни қўлга киритган. Ўзбекистон Ёзувчилар уюшмаси вилоят бўлими қошидаги “Бобур издошлари” адабий тўғарагида билим ва маҳоратини оширган ёш ижодкорнинг 2011 йилда илк китоби – “Муҳаббатим сизга, онажон”, 2012 йилда “Гулдаги нур жилоси” номли шеърӣ тўпламлари нашрдан чиқди. Уларда шоира ўзининг қалб кечинмаларини ғўзал ташбеҳлар орқали ўзига хос тарзда тараннум этган. У ёш ижодкорларнинг

“Шаҳрихонсой мавжлари”, “Марғилон мушоираси” сингари адабий анжуманларида фаол иштирок этиб келади.

— Озод ва обод юртнинг энг бахтли қизлариданман, — дейди Ғўзало. — Чунки интилишларим, мўъжаз ижодим юксак баҳоланиб, Зулфия номидаги Давлат мукофотига муносиб топилганидан беҳад бахтиёрман. Бундай ғам-хўрликка жавобан келажакда ўз ижодим, меҳнатим билан Ватанимиз равнақига ҳисса қўшиш олий мақсадимдир.

Ғўзалоининг дилидаги самимий ниятлари албатта ижобат бўлади. Чунки унда ғайрат-шижонат, интилиш бор, қалбида Ватанга муҳаббат, истиқлол ғояларига садоқат туйғулари мужассам. Юз-кўзида ўзига, эртанги кунга ишонч порлаб турибди.

Ф.УБАЙДУЛЛАЕВ,
ЎЗА мухбири

2015-yil — Keksalarni e'zozlash yili

ОТА КАСБНИНГ МУНОСИБ ДАВОМЧИЛАРИ

Хунармандлик Хайдарали уста учун ота касб. У касбининг барча сир-асрорларини Мамарасул бобосидан ўрганган. Бағдод туманидаги Қирқиболди қишлоғида яшовчи етти мингдан зиёд аҳоли бу авлод вакилларини уста хунармандлар сулоласи сифатида яхши билади.

Хунармандлар сулоласининг учинчи вакили Хайдарали уста мана қирқ йилдирки, ота-боболарининг хунарини эъзозлаб, эл-юрт хурматини қозониб келмоқда. Устачилик болғасини қўлидан ташламади. Унинг нони бутун, турмуши фаровон.

Мабодо қишлоқнинг қоқ марказидаги мўъжазгина устахонага йўлингиз тушса, “Хайдарали ота” кичик корхонаси саҳнидаги турли дастгоҳ ва мосламалар эътиборингизни тортади.

Бу ерда қисқич ва дискдан тортиб хомашёни қирқишда қўлланиладиган искана (зубила), темир болға ва аррагача тартиб билан териб қўйилган.

Ўртадаги печда чўғ ёниб турибди.

Шинам ва ёруғ хона саҳнида деярли бўш жой йўқ. Бир чеккада таъмирдан чиқарилган уй-рўзғор буюмларини кўриб, устанинг маҳоратига таҳсинлар айтасиз. Улар орасида қадимий миллий хунармандчилик буюмлари ҳам талайгина.

Токчалардаги буюмларга ишлов берилгач, янги кўриниш касб этган.

Кичик корхонага кираверишда оқ яктаги ўзига ярашиб турган истарали ва дилкаш отахон бизни очик чеҳра билан кутиб олди. У салом-алиқдан сўнг эгнига коржомасини кийиб, ишга киришди. Дикқат-эътибори навбатдаги ишни охирига етказишга қаратилган. Уста қипқизил чўғда қиздирилган пўлат парчасини сандон устига қўйиб ишлов бераркан, олов тафтида пешонасидан тер қуюлиб келар, сидқидилдан меҳнат қилаётгани сезилиб турарди. Сандон устидаги хомашёга урилаётган

болғанинг зарбидан атрофга чўғ сачради. Бироздан сўнг буюм чархда силлиқланиб, сувда совитилгач, унга ҳафсала билан нафис безак берилди. Секин-аста буюм янги кўриниш ола бошлади. Отахон уй-рўзғор учун зарур бўлган миллий хунармандчилик буюми тайёр бўлгунича тиним билмади. Пичоқ тайёр бўлгач, чеҳраси ёришиб, баҳри дили очилиб кетди. Пешонасидаги терини артаркан, устанинг ўз ишидан мамнунлигини юз-кўзларидан англаш қийин эмасди.

Пичоқ нафақат рўзғор буюми сифатида, балки эр йигитнинг йўлдоши, ор-номуси ва обрў-шаънининг рамзи сифатида азалдан қадрланган.

Хайдарали уста Мамарасулов темирчилик касбини эгаллаб кам бўлмади. Ҳовли ва келин тўйлари ўтказиб, элга ош берди. Эндиликда унинг хунарини фарзандлари ва неваралари давом эттирмоқда. Отахоннинг катта ўғли, ўз касбининг моҳир устаси Аъзамжон миллий хунармандчилик буюмларини тайёрлашнинг ҳадисини олган. У стол устидаги таъмирталаб буюмларнинг қайси мижозга тегишли эканини чалғимамай топи олади. Мўлжалдаги буюртмани бажаришда аниқ ҳисоб-китобга таяниб, майда деталгача аҳамият беради. Мижоз ўз буюртмасини олиб мамнун бўлса, уста ҳам чарчоғини унутди. Ҳаммаси ниятга боғлиқ.

Барча иш уста отахон бошчилигида бекаму кўст бажарилади. Фарзандлари ёнидан кетмайди.

Ота-бола, устоз-шогирдлар ҳар йили вилоят бўйича ўтка-

зиб келинаётган турли кўрик-танловларда уй-рўзғор буюмлари билан иштирок этади. Улар тайёрлаётган буюмлар кўпчиликка маъқул бўлмоқда. Аъзамжон Хайдаралиев “Ташаббус — 2014” кўрик танловининг вилоят босқичида учинчи ўринни эгаллаб, фахрий ёрлик ҳамда қимматбаҳо совғалар билан тақдирланди.

Отахоннинг кичик ўғли Адҳамжон айни пайтда Фаллаорол тумани марказида устахона очиб, ўғли Мўминжон билан фаолият юритмоқда. Жиянлари Баҳодир, Шукур ва Шерали эса қўшни Пахтакор туманида темирчилик устахонасини очиб, эл қорига яраб келмоқда. Натижада 12та иш ўрни яратилди.

Жорий йилнинг ўтган икки ойида кичик жамоа режадан ташқари 160 минг сўмдан зиёд хунармандчилик буюмларини тайёрлашга муваффақ бўлди.

— Маҳаллий хунармандлар тайёрлаётган уй-рўзғор буюмлари ўзига хос бўлиб, шакли ва турли-туман безаги билан ажралиб туради, — дейди Фаллаорол тумани Фафур Фулом маҳалла фуқаролар йиғини расиси Баҳор Жумабоева. — Улар бугунги кун талабларидан келиб чиққан ҳолда маҳсулотларини янгича услуб ва замонавий йўналишлар билан бойитиб бормоқда.

Ҳозирги кунда Хайдарали бобо саксон ёшда бўлса-да, тетик ва бардам. У фарзандлари ҳамда шогирдлари ҳузурда бўлиб, йўл-йўриқ ва зарур кўрсатмалар бериб туришдан эринмайди. Турмуш ўртоғи Тамара ая билан беш нафар фарзандни тарбиялаб, улғайтирди. Улар ҳозир ўн беш нафар невара ва йигирмадан зиёд чевара оғушида шукроналик билан кексалик гаштини сурмоқда.

Абдулла САИДОВ



ТАНЛОВ ҒОЛИБЛАРИ АНИҚЛАНДИ

Пойтахтимиздаги Ёшлар ижод саройида «Суғурта — болалар нигоҳида» расмлар танловининг якуний босқичи бўлиб ўтди.

«Кафолат» давлат акциядорлик суғурта компанияси ва «Камолот» ёшлар ижтимоий ҳаракати ҳамкорлигида ташкил этилган мазкур лойиҳа ёш авлод вакилларида суғурта маданиятини шакллантириш, дунёқарашини кенгайтириш ва суғурта афзалликларини кенг тарғиб этишга қаратилган.

Жорий йилнинг январь — март ойлари давомида тарғиботчилар гуруҳи томонидан уч юзга яқин умумтаълим мактабида давра суҳбатлари ва семинар-тренинглари ўтказилди.

«Суғурта — болалар нигоҳида» расмлар танловида икки мингдан ортиқ ўқувчи ижодий ишлари билан иштирок этди. «Суғурта менинг тасаввуримда», «Суғурта билан келажак сари» ва «Кафолат 18 ёшда» йўналишларида тақдим этилган ижодий ишлар ҳакамлар ҳайъати томонидан муносиб баҳоланди. Шунингдек, «Энг яхши мавзу», «Энг яхши суғурта талқини», «Энг яхши ижодий ёндашув», «Энг яхши суғуртага оид асар», «Энг яхши лойиҳа», «Энг яхши ғоя», «Энг яхши композицион расм», «Энг яхши ранглари», «Энг ёш ижодкор» номинациялари бўйича ҳам ғолиблар аниқланди.

— Ушбу танлов суғурта тўғрисидаги билимимни янада оширди, кўплаб дўстлар орттирдим, — дейди Тошкент шаҳридаги 280-умумтаълим мактаби ўқувчиси Николай Евдакимов. — Танловда «Энг яхши лойиҳа» номинацияси бўйича ғолиб бўлдим. Келгусида ижодий ишларим билан бошқа танловларда ҳам иштирок этиш ниятидаман.

Тадбир сўнггида ғолибларга диплом ва эсдалик совғалар топширилди.

Зарнигор АБДУМАЛИКОВА,
«Turkiston» мухбири

Intelлект bahsi

Ақл-заковат синов

Дақиқа қадрини ҳис қилишга, ўқувчи-ни тез ва теран фикрлашга ундовчи «Заковат» ёшларнинг энг севимли интеллектуал ўйинларидан бирига айланди.

Ўтган йили Бухоро муҳандислик-технология институти бошланғич ташкилоти ташаббуси билан ташкил этилган «Келажак» интеллектуал ёшлар клуби билим ва иқтидорини синовдан ўтказишни истаган ёшлар учун ўзига хос интеллектуал майдонга айланди.

Яқинда ушбу клуб фаолиятига бир йил тўлиши муносабати билан вилоятда мавжуд таълим муассасалари — академик лицейлар ва касб-хунар коллежлари ўқувчилари ҳамда

олий таълим муассасалари талабалари ўртасида беллашув ўтказилди. 17 жамоа иштирокида ўтказилган мазкур интеллектуал синовда 150 нафар йигит-қиз ўз ақл-заковатини намоиш этди.

Натижаларга кўра, биринчи ўринни академик лицей ўқувчилари ва ўқитувчилари жамоаси, иккинчи ўринни Бухоро давлат университети талабалари жамоаси эгаллаган бўлса, учинчи ўрин Бухоро муҳандислик-технология институти вакилларига насиб этди.

Ғолибларга «Камолот» ёшлар ижтимоий ҳаракати Бухоро вилояти кенгаши томонидан диплом ва эсдалик совғалар топширилди.

Лайло ҲАЙИТОВА,
«Turkiston» мухбири

Навбаҳор айёми

Наврўз — Ер сайёрасининг байрами. Замини-мизнинг яшилликка бурканганини ҳатто космосдан туриб ҳам кузатиш мумкин. Минг йиллардан бери эзгуликни тараннум этувчи ушбу байрам халқимизнинг азалий мероси сифатида қадрланади.

Ўзбекистон давлат жаҳон тиллари университетининг халқаро журналистика факультетида «Хуш келдинг, Наврўз» деб номланган байрам дастури бўлиб ўтди. Вилоятларимизнинг ўзига хос урф-одат, анъана ва қадриятларини намоиш қилган талабаларнинг чиқишлари барчага манзур бўлди. Эгнига кўркам беқасам тўн кийган йигитлару бошига нафис

ироқи дўппи кўндирган қизлар байрамга ўзгача руҳ бағишлади. Дастурхонга Наврўз таомлари тортилди.

— Биз, устозлар ҳам талабалар каби Наврўзни интиқлик билан кутамиз, — дейди факультет декани Акбар Нурматов. — Талабаларимизнинг байрамга ҳар томонлама пухта тайёргарлик кўргани сезилиб турибди. Айниқса, III босқич тала-

баларининг сурхонча рақс, Фарғона аскиялари, хоразмча лапарлару келин салом каби кўнгилочар чиқишлари кўпларнинг олқишига сазовор бўлди.

Байрам эл севган хонандалар Мадина Мумтоз, Тоҳир Усмонов ва университетнинг ҳаваскор талабалари ижросидаги дилрабо қўшиқларга ҳамда факультет талабаларидан ташкил топган «Вақт» жамоасининг Кексаларни эъзозлаш йилига бағишланган сахна кўриниши ва рақсларга уланиб кетди.

Меҳрангиз ҒАНИЕВА,
ЎзДЖТУ талабаси

San’at

Соҳир ранглар намоиши

Ўзбекистон Бадий академияси Камолиддин Беҳзод номидаги мемориал боғ-музейида миниатюрочи рассомлар асарлари кўргазмаси очилди.

Пойтахтимизда миниатюра санъати асосчиларидан бири Камолиддин Беҳзод номидаги мемориал боғ-музейи ташкил этилгани буюк аждодимизга бўлган эҳтиромнинг ёрқин ифодасидир.

Аллома асарларидаги эзгу ғоялар бугунги ёш авлод маънавиятини юксалтириш, уларни билимли, ватанпарвар, ҳар томонлама етук, миллий ва умуминсоний қадриятларга ҳурмат руҳида тарбиялашга хизмат қилаётир.

— Миниатюра санъатининг илк куртаклари юртимизнинг олис ўтмишидан муҳда бериши ва аждодларимизнинг бой ижодий меросидан баҳраманд бўлиш имконини бериши билан ҳам

юксак аҳамият касб этади, — дейди музей кўргазма бўлими бошлиғи Омонулла Юнусов. — Бу санъат неча асрларки сайқалланиб, ҳозирда ўзининг янги талқинларида кўргазмалар пештоқларидан жой олмоқда. Моҳир мусаввирларимиз ижодига мансуб замонавий асарлар миниатюра анъаналари асосида яратилган.

Кўргазмадан миниатюрочи рассомлар Б.Ҳожиметовнинг «Камолиддин Беҳзод», «Шоир», З.Сулаймонованинг «Ёш йигит», «Ёш шоир», «Боғдаги бир кун», А.Каримовнинг «Ғор эгалари», «Мероҳ», Р.Ҳайдарованинг «Қутиш», Н.Қаюмованинг «Мадраса қурилиши», «Изҳор», Х.Муҳиддиновнинг «Чимилдиқ», С.Жалилова-нинг «Ўзбек аёли», «Шоҳнома», А.Солиевнинг «Акбаршоҳ», «Бобурийлар» каби асарлари ўрин олган. Ушбу кўргазмада профессионал миниатюрочи рассомлар билан бирга ёш мусаввирларнинг ҳам етмишдан зиёд асари намоиш этилмоқда.

Алибек ОМОНТУРДИЕВ,
«Turkiston» мухбири



Sport xabarlari

“Камолот” ёшлар ижтимоий ҳаракати Сурхондарё вилояти кенгаши ташаббуси билан Термиз мактабгача таълим ва хизмат кўрсатиш касб-хунар коллежида оилавий ҳаваскор жамоалар ўртасида “Отам, онам ва мен — спортчилар оиласимиз!” шиори остида спорт мусобақаси ўтказилди.

Соғлом оила — юрт келажаги

Мусобақани ташкил этишдан кўзланган асосий мақсад ёш оилалар ўртасида жисмоний тарбия ва спортни оммалаштириш, улар ўртасида соғлом турмуш тарзини қарор топтириш ва оилавий спорт жамоалари сонини янада кўпайтиришдан иборат.

— Мазкур мусобақада ҳудудий босқичларда ғолибликни қўлга киритган оилавий жамоалар иштирок этди, — дейди “Камолот” ёшлар ижтимоий ҳаракати Сурхондарё вилояти кенгаши матбуот хизмати етакчи мутахассиси Шавкат Абдилазизов. — Бу йилги “Отам, онам ва мен — спортчилар оиласимиз!” шиори остида ўтказилган мусобақада жамоалар “Тўсиқлар ошиш”, “Моҳир ҳужумчи”, “Қопларда сакраш”, “Арқон тортиш” каби шартлар асосида ўзаро баҳс олиб борди.

Қизғин ва мурасиз кечган беллашувлар якунига кўра биринчи ўринни Баҳриддин Алланазаровлар оиласи (Жарқўрғон тумани) қўлга киритди. Иккинчи ғоғонани Қумқўрғон туманидан Шокир Нормуродов оилавий жамоаси банд этган бўлса, учинчи ўрин шўрчилик Отабек Жумаевлар оиласига насиб этди.

— Спорт соғлиқ гаровидир, шунга монанд оилавий тарзда спорт билан мунтазам шуғулланамиз, — дейди мусобақа ғолиби Баҳриддин Алланазаров. — Вилоят миқёсида ўтказиладиган турли оилавий мусобақаларда доимий равишда иштирок этамиз.

Турнир якунида ғолиблар ташкилотчилар томонидан диплом ва эсдалик совғалар билан тақдирланди ҳамда мусобақанинг республика босқичига йўлланма олди.

Наргиза РАҲМАТУЛЛАЕВА,
«Turkiston» мухбири

Бокс бўйича Литва пойтахти Вильнюс шаҳри мезбонлик қилган халқаро турнирда вакилларимиз учта олтин ва битта кумуш медални қўлга киритди.

Боксчиларимиз шоҳсупада

Ўнинчи бор ташкил этилган мазкур турнирда дунёнинг 16 давлатидан ёш чарм қўлқоп усталари ғолиблик учун кураш олиб борди. Ўзбекистонлик боксчиларимиз, ушбу халқаро турнирда иштирок этган беш нафар спортчимиздан тўрт нафари совриндорлар сифидан жой эгаллади. Финал баҳсларида Бобурмирзо Толипов (60 кг) ва Иқболжон Холдоров (64 кг) венгриялик рақиблари Ричард Ковачс ва Марк Конртезни мағлуб этиб, жамоамизга дастлабки олтин медалларни тақдим этган бўлса, Обиджон Тоҳиров (91 кг) мезбон спортчи Арнолдас Тарашкявичюсга ҳеч қандай имконият қолдирмай, шоҳсупанинг энг юқори ғоғонасини банд этди.

Шунингдек, 75 килограмм вазн тоифасида иштирок этган Козимбек Мардонов турнирнинг кумуш медали билан тақдирланди. Шу тариқа, учта олтин ва битта кумуш медал жамғарган вакилларимиз умумжамоа ҳисобида биринчи ўринни эгаллади.

Футбол бўйича Осиё чемпионлар лигаси мусобақасининг гуруҳ босқичида 3-тур учрашувлари бўлиб ўтмоқда. Турнирда иштирок этаётган вакилларимиз орасида биринчи бўлиб Тошкентнинг «Бунёдкор» жамоаси майдонга тушди.

Кураш давом этади

17 март куни «Бунёдкор» стадионида кечган ўйинда пойтахтликлар Қатарнинг «Лахвия» клубини қабул қилди ва кичик ҳисобда мағлубиятга учради — 0:1. Шу кунга белгиланган ўйинлардан яна бирида «Локомотив» сафарда Қатарнинг «Ас-Саад» жамоасига қарши майдонга чиқди.

Бугун яна икки жамоамиз ўз ўйинларини ўтказди. «Пахтакор» Тошкентда БААнинг «Ал-Айн» жамоасини қабул қилса, Қаршининг «Насаф» клуби Дубайда «Ал-Аҳли» жамоасига қарши тўп суради.

Санжар ИСМАТОВ
тайёрлади.



ИҚТИДОРЛИ ЁШЛАР МАСКАНИ

Қарши санъат коллежида 500 дан зиёд ёшлар мусиқа назарияси, фортепьяно, торли, пуфлама ва зарбли чолғулар, халқ чолғу асбоблари, анъанавий ижрочилик, академик хонандалик, эстрада, актёрлик ва хореография, дастгоҳли ранг-тасвир ва декоратив амалий санъат йўналишларида таҳсил олмоқда.

Замонавий моддий-техник базага эга коллежнинг ахборот-ресурс маркази, ўқув, кон-

церт ва хореография заллари, оркестр хонаси, ёзги ва қишки спорт иншоотлари, лингафон, фан кабинетлари ҳамда лабораториялари ўқувчилар ихтиёрида.

СУРАТДА: (чапдан) ўқитувчи Лариса Ахтимова ўқувчи Севинч Раҳматова билан машғулотда.

ЎЗА фотомухбири

Жамшид НОРҚОБИЛОВ олган сурат.

O'zbek sporti tarixidan

Марказий Осиёда етакчи



1934 йилда Тошкент спорт базаларида бўлиб ўтган Ўрта Осиё ва Қозоғистон Республикалари спартакиадаси ўзига хос катта ва улкан спорт фестивалига айланиб кетди.

Ўзбекистон ушбу Спартакиада баҳсларининг футбол турнирида икки жамоа бўлиб иштирок этди: Республика терма жамоаси ва «Мускоманда». Терманинг икки ўйинчиси Хусан Муҳитдинов ва Жўра Саидов бу сафар «Мускоманда» таркибида майдонга тушди. Агар бошқа республика терма жамоаларида бор-йўғи икки-уч ўйин-

чи маҳаллий миллат вакиллари иборат бўлса, «Мускоманда» таркиби юз фоиз ўзбек йигитларидан ташкил топган эди.

Чарм тўп мухлислари билан тўлиб-тошган стадионда мусобақанинг биринчи кунги Ўзбекистон («Мускоманда») ва Туркменистон футболчилари саф тортди. Тезкор ва қизиқарли комбинацияларга

бой бўлган ўйин майдон эгаларининг чиройли ғалабаси (2:0) билан якунланди, ютқудан руҳланган футболчиларимиз бирин-кетин Тожикистон (2:0) ва Қозоғистон (3:1) жамоаларини ҳам мағлубиятга учратди. Қирғизистон футболчилари эса «Мускоманда» аъзолари билан учрашишдан бош тортди.

Ўзбекистон терма жамоаси вакиллари ҳам учрашувларни кўтаринки руҳда ўтказган ҳолда Қирғизистон (10:1), Туркменистон (3:1), Тожикистон (5:0) жамоалари устидан ғалаба қозонди. Терма жамоамизда Чижов, Миронов, Травин, Хорошилов, Адисман каби ўйинчилар маҳорат кўрсатган бўлса, «Мускоманда»да Кимёгаров, Хусан Муҳитдинов, Саидов, Хўжаев, Аҳмедовлар майдонда фаоллик кўрсатди.

(Ахбор Имомхўжаевнинг «Мафтунингман, футбол!» китобидан)




Мумтоз адабиёт дурдоналари

Кўзни юлғил, кўзга айлансин кўнғил

Хотинлару ўғиллар, қоп-қоп олтинлару кумушлар, насл отлару сурув-сурув мол-қўйлар, экинлар ва ҳоказо нарсалар одамлар ҳирсини қитиқлайди. Буларнинг ҳаммаси дунё завқидир. Модомики, дунё безатилган бўлса, унда ҳиққиқий гўзаллик ва яхшилик йўқдир, бу гўзаллик унда муваққатдир...

Дедиларки: Саййид Бурҳониддин Муҳаққиқ сўзлаётганда, биттаси келди ва: «Фалончидан сенинг мадҳингни эшитдим» деди. У: «Кўрайликчи, ул зот қандай одам экан? Мени таниб мақтай оладиган аҳволдамикан? Мени агар сўзларимдан таниган бўлса, танимаган демасдир. Чунки бу сас, бу оғиз, бу лаб... ўткинчи, буларнинг ҳаммаси белгилардир. Ишларим орқали таниган бўлса, яна шундайдир. Аммо зотимни таниган бўлса, у ҳолда мени танибди. Фақат шундагина у мени мақтай олади ва ўз мақтовини менга тегишли эканини биламан», — деди.

(Жалолiddин Румийнинг «Ичиндаги ичиндадир» китобидан)



75 кг/м секундга ёки 0,736 квт.га тенг қувват фанда нима деб аталади?

Жавобингизни 20 март соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади. Саволларга энг кўп тўғри жавоб топган муштарийлар йил якунида қимматбаҳо совғалар билан тақдирланади.

Ўтган сондаги саволнинг жавоби: Ҳожи Абдулазиз Абдурасулов.

Ўзбекистон туманидан Муштарий Холматова биринчи бўлиб тўғри жавоб йўллади.

Tabassum

Психология профессори дейди:

— Биз «ёлғон» деган тушунча хусусида гаплашамиз. Мен бу масала ҳақида «Ёлғон тўғрисида» деган илмий асаримда батафсил ёзганман. Ким уни ўқиган бўлса, қўлини кўтарсин.

Ҳамма талаба қўлини кўтаради.

— Жуда соз! — деб давом этади профессор. — Лекция учун жуда яхши мисолга эга бўлди. Менинг китобим ҳали босмадан чиққани йўқ.

(«Ичакузар ҳангомалар» китобидан. Тўпловчи ва таржимон Озод Шарафиддинов)

Тафаккур ҷуммонидан бир қатра

Кимгаки иш бўлди қаноат фани,
Билки, ани қилди қаноат фани.

Алишер Навоий

МУАССИС

«КАМОЛОТ» ЁШЛАР ИЖТИМОЙ
ҲАРАКАТИ МАРКАЗИЙ КЕНГАШИ

Газета Ўзбекистон
Республикаси
Матбуот ва ахборот
агентлигида 2007
йил 19 апрелда
№ 0242 рақам билан
рўйхатдан ўтган.



БОШ МУҲАРРИР

Каримов
Фахриддин Турдалиевич

Тахрир хайъати

Баҳодир Фаниев, Меҳриддин Шукуров
(бош муҳаррир ўринбосари —
«Turkiston»), Элмурод Нишонов (масъул
котиб — «Turkiston»), Ирина Кочергина
(бош муҳаррир ўринбосари —
«Молодёжь Узбекистана»), Елена
Калинина (масъул котиб — «Молодёжь
Узбекистана»), Рустам Қосимов

Навбатчи муҳаррир

Рўзикулов
Дилшод
Шухрат ўғли

Саҳифаловчи

Рўзиев
Зафар
Хусанович

Газета таҳририят компьютер
марказида терилди ва
саҳифаланди.

Таҳририят манзили: 100029, Тошкент,
Матбуотчилар кўчаси, 32.
Телефонлар:
(371) 233-95-97. (371) 233-79-69
e-mail: info@turkiston.uz

«Шарқ» нашриёт-матбаа акциядорлик
компанияси босмахонасида, А-3 форматда
чоп этилди. Ҳажми — 2 босма табок.
Корхона манзили: «Буюк Турон» кўчаси, 41.

Индекслар: 203, 3203
Баҳоси келишилган нархда.

Буюртма Г-356.
Адади — 11606

Босишга топшириш вақти — 21.00
Топширилди — 22.40
ЎЗА якуни — 22.00

Офсет усулида босилган.

1 2 3 4 5